

續金華叢書



續金華叢書



魯齋王文憲文集卷之十五

續金華叢書

鄱陽三臺劉傑編輯

廬陵銅溪劉同校正

續雜著

皇極經圖四

元辰元日元月元歲元世元運元會元元

會辰會日會月會歲會世會運會會會元

運辰運日運月運歲運世運運運會運元

世辰世日世月世歲世世世運世會世元

歲辰歲日歲月歲歲歲世歲運歲會歲元

月辰月日月月月歲月世月運月會月元

日辰日日日月日歲日日世日運日會日元

辰辰辰辰辰辰辰辰辰運辰會辰元



右一

日水日火日土日石日辰日星日月日日
 月水月火月土月石月辰月星月月月月
 星水星火星土星石星辰星星月月星日
 辰水辰火辰土辰石辰辰辰辰辰辰辰辰
 石水石火石土石石石辰石星石月石日
 土水土火土土土石土辰土星土月土日
 火水火火火土火石火辰火星火月火日
 水水水火水土水石水辰水星水月水日

右二

乾坤乾艮乾坎乾巽乾震乾離乾兌乾乾
 兌坤兌艮兌坎兌巽兌震兌離兌兌兌乾
 離坤離艮離坎離巽離震離離離兌離乾

震坤震艮震坎震巽震震震離震兌震乾
 巽坤巽艮巽坎巽巽巽震巽離巽兌巽乾
 坎坤坎艮坎坎巽坎震坎離坎兌坎乾
 艮坤艮艮艮坎艮巽艮震艮離艮兌艮乾
 坤坤坤艮坤坎坤巽坤震坤離坤兌坤乾

右三

八一七一六一五一四一三一二一一一
 八二七二六二五二四二二三二二二二
 八三七三六三三五四三三三三三三三
 八四七四六四五四四四四三三二四一四
 八五七五六五五五四五三三二五二五
 八六七六六五六四六三六二六一六
 八七七七六七五七四七三七二七一七

八八七八六八五八四八三八二八一八

右四

元會說

元之元至元之辰

此所謂無極而太極也元會運世歲月日辰雖未有跡之可尋而其理已粲然備具于中矣

元一

會一

此太極動而生陽動極而復靜靜而生陰靜極復動一動一靜互為其根之時也

會二

此分陰分陽兩儀立焉之時

會三

此陽變陰合而生水火木金土五氣順布四時行焉
之時無極之真二五之精妙合而凝乾道成男坤道
成女

會四

此二氣交感化生萬物生生而變化無窮之時惟人
也得其秀而最靈形既生矣神發知矣五性感動而
善惡分萬事出矣

惟人也以下當
在會六之首

會五

上古結繩而治穴居而野處葬者厚衣之以薪葬之
中野不封不樹之時也

會六

聖人始定以之仁義中正立人極之時於是有伏羲
氏之王天下也仰則觀象於天俯則觀法於地旁觀

鳥獸之文與地之宜近取諸身遠取諸物於是始作八卦以通神明之德以類萬物之情作結繩爲罟以佃以漁蓋取諸離庖羲氏沒神農氏作斲木爲耜揉木爲耒耜之利以教天下蓋取諸益日中爲市致天下之民聚天下之貨交易而退各得其所蓋取諸噬嗑神農氏沒黃帝堯舜氏作通其變使民不倦神而化之使民宜之垂衣裳而天下治蓋取諸乾坤揆木爲舟揆木爲楫舟楫之利以濟不通致遠以利天下蓋取諸渙服牛乘馬引重致遠以利天下蓋取諸隨重門擊柝以待暴客蓋取諸豫斷木爲杵掘地爲臼杵臼之利萬民以濟蓋取諸小過弦木爲弧剡木爲矢弧矢之利以威天下蓋取諸睽易之以宮室上棟下宇以待風雨蓋取諸大壯葬者易之以棺槨蓋

取諸大過易之以書契百官以治萬民以察蓋取諸
夫

邵子於堯之世始紀甲子於甲辰之下書唐堯卽位
於是卽其數而推之具管見于左

一元十二會

一會三十運

一運十二世

一世三十年

歲月日辰如常數

此邵子經世之大數也蔡西山曰一元有十二會三
百六十運四千三百二十世猶一歲十二月三百六
十日四千三百二十辰也又曰一元有十二萬九
千六百歲一會有十二萬九千六百月一運有十二

萬九千六百日一世有十二萬九千六百辰皆自然之數非有所牽合也愚竊窺之以爲元會運世者先天大運也布筭推卦宜如先天圖一定而不可易歲月日時後天小運也布筭推卦宜如後天圖微有不同而實本於先天也

大庾公世家

天地變化后皇妙合有五子人曰渾沌氏赫胥氏若木氏金天氏中央氏帝出乎震木德先王封若木於東方賓出日啟土功掌萬物之生列受姓氏爵爲上公子孫繁茂散居四方有三萬八千種其顯者有柏皇氏栗陸氏其餘材器皆足以任使惟不失若木氏作酸之正性者獨梅氏之宗焉梅氏二子長曰不次曰仁不字伯華仁字仲實伯華者精神玉雪德馨遠聞風霜不得而摧沮東皇不得而料理也故世世以風節自高仲實者生意滿腔救身堅若

方其青純年少世味生澁遇之者裂吻蹙頰縮舌備齒及其體胖
德老依狐裘佩金玦色和氣溫時人美之曰樂只君子遐不黃耇
旣而祚國於燕被玄袞與魯咸共治正天下精淳醲郁之味養民
生日用之和與聖人同功在武丁時得傅說爰立作相以代咸命
之曰昔甘盤虛已受和惟咸惟仁交濟厥德沃朕心用協調千萬
邦爲治若和羹爾尙式乃前猷允協于中罔俾咸仁專美于我有
商後世稱賢相者皆咸仁之緒餘云五世孫標仕召南爲大夫佐
文王之化男女得以及時詩人歌之周公采而次之國風用之於
閨門鄉黨邦國之化天子思標之績徵其子獠俎豆乎祭祀賓客
之間俾修其祖業裂江南之地封之襲若木之爵都于大庾從孫
卉仕王國與栗陸氏之後同封爲嘉侯以病坐廢依終南之族不
遷遂分南北枝周衰秦一海內大興宮室渡渭屬之咸陽荒淫怠
政事皆決於李丞相拔擢同彙凡杞梓榷楠檉櫛楔櫻櫨檀柎樞

之徒連茹並進封五大夫而黜扶蘇二世降軹楚羽屠咸陽舉若木之族而悉焚之昔之被服青黃丹堊之榮者皆煨燼之末秦尙才棄德而梅君幸無以材稱者伶俚澗谷固自若也雖免於難而蕭條亦甚矣於是南枝獨盛北枝寒落漢一再傳晁錯用事假託臭味疎間骨肉腥穢東南大庾之裔不復登廟堂浮沈於世爲鑿士染人治人輩之所敬事曹操引兵迷道三軍病渴蓀之雲仍有名林者避世山澤操詭於衆曰吾引若等見林矣軍士津津然喜躍名重當時尙如此嗣伯華者卒不偶於三代盛時歷漢魏亦無聞人當宋文帝陸凱落南見名春者字一之玉立隴首驚喜嘆賞采驛薦之上國天下始知名又有莊名者風姿清麗尙武帝壽陽公主副笄六珈充耳琇瑩光彩莫比時人榮之然伯華之風流醞藉高蹈塵俗蕭散孤特喜徜徉於深山絕谷斷橋流水竹籬茅舍之外與雪月爭妍雖與徂徠十八公渭上蒼庭筠爲莫逆之交然

二子者徒耐寒歲不改其操當是時英彩煥發清芬滿天地二子拱手下風不敢班也後世乃有如莊者慕富貴失身帝王家伯華之家聲頓滅一宗含垢長往唐宋文貞公鐵石心腸爲時端人伯華之枝始有出而與之交自是騷人詩士爭先延致苟非其人語言無味也至我本朝如蘇黃輩傾心從游播之歌頌惟處士林和靖有暗香疎影之目識者以爲善於形容夫以冰清玉潔之姿雅度孤標與騷人詩士酬風醉月於荒寒寂寞之濱聲音氣味之孚感宜也自三代以下未與有道者交也引而置之莊岳之間自伊川程夫子始夫子中興聖學英才萃門嘗進梅生藻而與之言曰子知萬物之榮枯乎此陰陽升降之大節也然逐枝逐葉自有一榮枯蓋各有一乾坤也藻曰物物各有一消長也亦不外乎一大消長此理一分殊之謂乎夫子莞爾而笑曰藻也始可與言道也矣梅生得聞大道之要頗有矜色同門有龜山陽先生者深戒之

俾其好藏清豔由是涵養益粹紫陽朱夫子一見如故人有尊中
句裏說盡心期之語南軒張先生識于長沙王令尹坐下自謂平
生佳絕無以踰此往往因伯華而思仲實慨然懷古於鼎味之中
遙遙世胄人詠其德久而不忘根深本厚者如是哉東海之外直
臘之墟有隱士者黃衣紫裏清馨壘壘人慕梅君之令聞願爲
假子風骨絕不相似世人安而未察又有名梁者世傳嘗佐禹治
水能興雲雨越人祀之其言荒誕君子不取也

史臣曰梅氏之先有二族一在商末封爲伯以忠誠諫紂爲紂所
醢屈原賈誼深悲之漢成帝時乾綱斷紐九鼎將移南昌故吏名
福者乞斬佞臣頭而姦邪爲之縮頸至我宋有名堯臣者與六一
居士爲金石之交以詩文稱而忠諫不逮吁何其寂寂也伯華仲
實之後盛衰不齊毋足怪者獨以愛華棄實之際於此可以觀世
變近世好奇之士又訪梅君之長者厖龍鍾槁項而黃馘者爭

貴重之華實之衰不問也此又世道之一變後世鼎鼎不調尙僞忘真至以鼻吸斗酢爲相業獨魯咸子孫衍裕於天下廟堂之上日夜思所以重其聲價爲國家之大利乃以回天下精淳醲郁之味以養民生日用之和爲不急之腐談嗚呼人莫不飲食也鮮能知味也

託物作史以爲文戲自韓昌黎傳毛穎始當時貪常嗜瑣者咕咕然動其喙笑以爲怪惟柳柳州奇之又有革華傳首非韓筆法它人竄入無疑至坡公乃作羅文葉嘉黃甘陸一曰大吉江瑤柱諸傳屏山劉公亦有蒼庭筠傳李忠定公又有武岡侯文城侯文信三傳亦各有寄興焉予與大庾公託契舊矣病暑無與語遐想風致爲作世家其原深流長有不容不盡著見者未必怪也終自愧其常耳瑣耳

述民志

辛亥之秋癸當大歉皇天仁愛下民特啟上心賜之良牧仍以部使者之權鎮撫之以活千里百萬生靈之命旄倪鼓舞而相慶曰而今而後吾知免於溝壑矣竊以爲下車之初所當先者莫及於講行荒政輒述民志條具如左

一曰大寬民力

首乞出自特筆勿與官吏議亟行曉示及帖諸邑將淳祐十年下五等稅賦盡行倚閣候來年麥熟起催蓋周官以荒政十二聚萬民一曰散利二曰薄征方當萬目睽睽觀政之時首聞此舉出自特見喜躍可知實荒政之先務收拾人心之大機也議者曰旣倚閣十一年稅賦而不言十年者何也蓋善良下戶真實貧弱者往往保長催納無遺所負者多是姦民猾吏計會拖欠以希橫免其善良者實不需惠今止言十一年分以其當年旱歉之故均行寬大之政非欲惠姦猾也

所謂勿與官吏議者無它意也蓋官吏往往不識治亂安危之大體徒能剪剪以目前窘乏爲憂其言必曰郡計赤立倉庾無再月之糧軍士冬衣錢未有指準大閱未有支散今年大禮諸軍未有給賜此皆至急至迫不可闕者安有餘力可以倚閣稅賦哉此則固所當慮者其實不然小戶斗粟尺帛何足以補郡家之大計郡計之匱非實空虛也幸自有遺賦在民但不在此等下戶耳州吏無遠謀大闢略於外邑止足取於金華縣吏無遠慮止取足於在城大縱弛於外鄉然其所以闕略者豈徒然哉皆有所受而不敢督促今若察見此弊改絃而理之不一二月不慮無財所謂無政事則財用不足豈欺我哉必不得已苟欲作急解目前之匱窘州庫自有金銀器皿責付郡吏時暫質之大家便可從容矣何至過憂

乎